

Universitäts- und Landesbibliothek Tirol

Tiroler Volkslieder

Greinz, Rudolf

1913

Mei Vater hat g'sagt

MEI VATER HAT G'SAGT.

Mei Vater hat g'sagt,

:|: I soll Fuchs passen giahn! :|:

I paß' auf mei Diandl

:|: Und 'n Fuchs laß' i giahn! :|:

Tralalalali! Tirumdiridum!

Mei Vater hat g'sagt,

:|: I sei a Weiberleuts-Lapp, :|:

Da hab' i drauf g'sagt:

:|: Du hast sie a gern g'habt! :|:

Fodler,

Und wenn mir mei Vater

:|: Koa Heirathsguat geit :|:

Noar zwick' i 'n in d' Wadel,

:|: Daß er Elftausend schreit! :|:

Fodler.

Mei Vater hat g'sagt,
 :|: I sei a rechter Schlanggl, :|:
 Da hab' i's verstanden,
 :|: I sei's Osterlampl! :|: (Fodl.)

Mei Vater hat g'sagt,
 :|: Jatz bleib' amal z' Haus! :|:
 Ja, ja, hab' i g'sagt,
 :|: Und bei der Hintertbür' aus! :|:
 Fodler.

Mei Vater hat g'sagt,
 :|: Jatz bleib' amal da! :|:
 Ja, ja, hab' i g'sagt,
 :|: Und durch'n Fuatterloch a! :|:
 Fodler.

Mei Vater hat g'sagt,
 :|: I soll besser haus'n, :|:
 Soll's Katzl verkafen
 :|: Und selber maus'n! :|:
 Tralalalali! Tirumdiridum!

